

永和縣志卷十五

藝文錄上

古人云先器識而後文藝似文藝一事固無足重矣不知古今相傳異地相違所以能通達周知而無隔閡之虞者全賴藝文以介紹之若無藝文則嘉言懿行無從紀載名山勝景無由熟悉欲求進步而文明也誠戛戛乎其難矣永和地方俗尚忠實文風質朴其見於碑碣著於簡編與夫一切有關於風土人情之作者亦有可述至怪誕不經風流寄興之文均刪而不錄識者諒之

明懷宗贈嶧縣知縣薛治安父母勅

制曰服禮之儒屢肩民社爲余一人分理方州德澤在人心不容泯也矧其子復驤首天衢爲民父母子有美錦學製者其誰朕甚嘉之爾薛可化原任山東兗州府嶧縣知縣治安之父賦性溫淳昶躬端樸居鄉慕史太丘之風入官凜楊關西之望試一州而灑潤績著東平乘半刺以分猷功高河濟民方尸祝而社稷子復薪盡而火傳睠茲嶧陽之桐音實嗣兗東之遺響式穀旣隆寵綸應錫是用贈爾爲文林郎山東兗州府嶧縣知縣龍章永賁於松楸燕翼益光於泉壤

制曰良吏之於民稱慈母也厥有母遺乃慈所自出而曾不獲鐘釜之報以盡烏鳥之私抱器陳性寧無余痛朝廷所以

體其情而絲綸泊之也爾李氏乃山東兗州府嶧縣知縣薛
治安之母閨訓素嫻慈母豫善克諧以孝事繼母而蒸又格
姦惟德是將相夫子而無違敬順脫簪珥以佐滑甘勤機樞
而襄薤粥惟和丸之教有方斯製錦之才堪試爰遡當年歐
荻式觀今日蟠花樹萱人邈分竹風清茲贈爾爲孺人賁鳳
詔於琅亟慰烏啼於玉樹

贈知縣薛治安夫婦勅

制曰朕讀漢史見甘露神爵間多循吏其有治行異等者天
子下璽書褒勞之矧鄒魯重地猶朕所加意者乎爾山東兗
州府嶧縣知縣薛治安器宇端凝才猷敏練文追蘇柳門墻

之桃李成蹊德繼程朱閭里之謳吟載道爰自恩綸之拔特
簡邑牧之司而爾服官淬勵字民慈祥寓仁愛於催科百姓
輸租恐後開荒蕪而阡陌一方逋額不虧繕城則永固金湯
剔蠹乃潛消狐鼠政最報績朕心孔嘉茲歲閱授爾階文林
郎錫之勅命夫築室者難始基取道者艱末路朝氣之銳或
竭於三鼓難可思已爲令者能以持始之念持終於以永譽
不庶幾哉爾其懋之

制曰士有令德必有良媛相須有成如珪璋相儷以贊國華
概諸風火則內德茂矣良吏之功未有不資於內助者也爾
山東兗州府嶧縣知縣薛治安妻靳氏毓秀名門思媚彥士

聞雞侍寢高堂竭溫淨之儀喻豹規成舉案贊翱翔之業訓
子愛不忘勞御下恩恆掩畏惟汝閨德之彌勤致茲官常之
有嚇是用封爾爲孺人初承翟弗之華益切燕私之儆

明懷宗贈守備兼護知府李天培父母勅

制曰寵綏國爵式嘉閭閻之勞蔚起門風用表庭闈之訓爾
李茂春乃陝西漢中府守備兼護知府李天培之父義方啓
後穀似光前居鄉慕史太丘之風入官凜楊關西之望試一
牧而灑潤績著平襄乘半刺以分猷功高韜略才學旣隆褒
獎宜頒是用晉贈爾爲宣武都尉錫策府之徽章用承恩澤
荷天家之休命永耀門閭

制曰怙恃同恩人子勤思於將母趙桓著績王朝錫類以榮

親爾陝西漢中府守備兼護知府李天培母

侯氏牛氏延閨
霍氏寶氏

訓素嫻母範尤精克諧以孝事嚴慈而承歡令儀不忒相夫子而無違惟和丸之教有方斯製錦之才堪試是用晉贈爾爲恭人錫龍章而煥采用答劬勞被象服以承休永膺光寵明懷宗贈守備兼護知府李天培夫婦勅

制曰國威覃布尙謹輦鼓之思武備勤修允重干城之選爾陝西漢中府守備兼護知府李天培才堪效力可分勞繕城則永固金湯剔蠹乃潛消狐鼠庶事咸賴以馳驅小心克昭於夙夜式逢慶典宜沛新綸是用特授爾階宣武都尉錫

之勅命策幕府之勲名祇承休命荷天家之光寵勿替成勞
制曰策府疏勲甄武臣之茂績寢門治業闡賢助之徽音爾
陝西漢中府守備兼護知府李天培妻侯氏含章協德令儀
早著於閨幃黽勉同心內治相成於夙夜是用贈爾爲宜人
於戲龍章載煥用褒敬戒之勤翟弗欽承永作泉源之賁
制曰臣子敦服勞之誼典旣疏榮女士嗣淑慎之徽恩宜並
茂爾陝西漢中府守備兼護知府李天培繼妻任氏素嫻內
則動協女箴相夫載著勤勞宜家克彰令譽是用贈爾爲宜
人於戲蘋蘩繼嬾式揚彤管之輝綸綍同褒勉贊素絲之德
清世祖贈西城兵馬司路義父母勅

制曰資父事君臣子篤匪躬之誼作忠以孝國家弘錫類之恩爾路達乃西城兵馬司副指揮加一級路義之父善積於身祥開厥後教子著義方之訓傳家裕堂構之遺茲以覃恩贈爾爲儒林郎西城兵馬司副指揮加一級錫之勅命於戲殊榮必逮於所親寵命用光夫有子承茲優渥永芘忠勤制曰奉職在公嘉教勞之有自推恩將母宜錫典之攸隆爾西城兵馬司副指揮加一級路義母陳氏壺範宜家夙協承筐之嫵母義詒穀載昭畫荻之芳茲以覃恩贈爾爲安人於戲彰淑德於不瑕式榮象服膺寵命之有嚇永賁泉壙贈西城兵馬司路義夫婦勅

制曰錫類推恩朝廷之大典分猷亮采臣子之常經爾西城
兵馬司副指揮加一級路義才堪効用力可分猷庶事咸賴
以馳驅小心克昭於夙夜式逢慶典宜沛新綸茲以覃恩授
爾爲儒林郎錫之勅命於戲弘敷章服之榮用勵靖共之誼
欽茲寵命懋乃嘉猷

制曰恪共奉職良至旣殫厥心貞順宜家淑女爰從其貴爾
西城兵馬司副指揮加一級路義妻李氏含章協德令儀夙
著於閨闈黽勉同心內治相成於夙夜茲以覃恩贈爾爲安
人於戲龍章載渙用褒敬戒之勤翟弗欽承永作泉原之賁
制曰臣子敦服勞之誼典旣疏榮女士嗣淑慎之徽恩宜並

茂爾西城兵馬司指揮加一級路義繼妻侯氏素嫻內則動
協女箴相夫載著勤勞宜家克彰令譽茲以覃恩封爾爲安
人於戲蘋蘩繼熾式揚彤管之輝綸綍同褒勉贊素絲之德
清聖祖贈陝西狄道縣知縣李附鳳父母勅

制曰樹豐功於軍勞策勳疆圉錫介福於德門恩榮庭堂爾
李天培乃陝西蘭州府狄道縣知縣李附鳳之父禔躬淳厚
垂訓端嚴業可開先式穀乃宣猷之本澤堪啓後貽謀裕作
牧之方茲以覃恩克襄王事晉贈爾爲朝議大夫錫之勅命
於戲慶衍遺謨用慰顯揚之志輝流奕世益徵遺緒之長
制曰奉職在公嘉教勞之有自推恩將母宜錫典之攸隆爾

侯氏乃陝西蘭州府狄道縣知縣李附鳳之母淑慎其儀柔嘉維則宣訓詞於朝夕不忘育子之勤集慶澤於門閭式被自天之寵茲以覃恩克襄王事晉贈爾爲恭人於戲鳳詔用光膺宏休於慈幃龍章載煥錫大惠於萱堂

制曰閭儀濟美旣並播其芳聲策名揚休宜均霑乎渥澤爾任氏乃陝西蘭州府狄道縣知縣李附鳳之母毓英名閥儷德高門琴瑟調在御之和令模夙著機杼婉中閨之美慈訓攸昭茲以覃恩克襄王事晉贈爾爲恭人於戲仰酬顧復之恩勉思撫字載煥絲綸之色用慰劬勞

清聖祖贈知縣李附鳳夫婦勅

制曰授七政於疆域功烈無比錫三命於賢良獎勵有方官聲不墜國典攸隆爾陝西蘭州府狄道縣知縣李附鳳器宇端凝才猷敏練文追蘇柳門牆之桃李成蹊德繼程朱閭里之謳歌載道服官淬勵字民慈祥寓仁愛於催科百姓輸租恐後開荒蕪而阡陌一方逋額不虧政績頗優朕心孔嘉茲以覃恩克襄王事授爾爲文林郎錫之勅命於戲築室者難始基取道者艱末路前勞已茂用褒製錦之能來軫方適益勵飲冰之操

制曰士有令德方有賢助政績昭於圖史夙夜惟勤徽音式於庭堂言容有度爾馬氏乃陝西蘭州府狄道縣知縣李附

鳳之妻毓秀名門思媚彥士聞雞侍寢高堂竭溫清之儀喻
豹規成舉案贊翱翔之業訓子愛不忘勞御下恩恆掩畏惟
汝閨德之彌勤致茲官箴之有嚇茲以覃恩克襄王事贈爾
爲儒人於戲錫寵章於閨闈惠音常留荷嘉獎於絲綸芳聲
永邵

清穆宗贈通判白菡曾祖父母勅

同治四年七月

制曰嘉謨垂奕葉用昭世德之求殊寵錫公朝益展曾孫之
孝爾白步月迺鹽提舉銜加七級江蘇候補通判白菡之曾
祖父敦修無斁垂教有方種德開先堂構益恢於來緒貽謀
裕後箕裘克紹於前休懿矩攸彰恩施遂逮茲恭逢覃恩克

襄王事貤贈爾爲資政大夫錫之誥命於戲四世其昌久聚
德星之慶九原可作永承褒命之榮國典洵膺家風益振

制曰綏柔佐治寵旣被於外僚貞順垂休恩聿推於內德特
敷惠澤用播徽音爾馮氏迺鹽提舉銜加七級江蘇候補通
判白菡之曾祖母肅雍可範令善堪模樹慈訓於後昆爰著
鍾祥之德傳素風於奕葉式彰貽穀之謀允作母儀庸昭國
典茲恭逢覃恩克襄王事貤贈爾爲夫人於戲九重慶錫洵
邀丹誥之褒四世承恩益煥朱愜之色勤宣令問用闡幽光
清穆宗贈通判白菡祖父母勅

同治四年七月

制曰考績報循良之最用獎臣勞推恩溯積累之遺載揚祖

澤爾白士鳳迺鹽提舉銜加七級江蘇候補通判白菡之祖
父錫光有慶樹德務滋嗣清白之芳聲澤留再世衍弓裘之
令緒祐篤一堂茲以覃恩克襄王事贈爾爲資政大夫錫之
誥命於戲聿修念祖膺茂典而益勵新猷有穀貽孫發幽光
而不彰潛德

制曰冊府酌庸聿著人臣之懋績德門輯慶式昭大母之芳

徽爾

石都

氏迺鹽提舉銜加七級江蘇候補通判白菡之祖母

箴誠揚芬珩璜表德職勤內助宜家久著其賢聲澤裕後昆
錫類式承乎嘉命茲以覃恩克襄王事贈爾爲夫人於戲播
徽音於彤管壺範彌光膺異數於紫泥天庥允劭

清穆宗贈通判白菡父母勅

同治四年七月

制曰求治在親民之吏端重循良教忠勵資敬之忱聿隆褒獎爾白上采迺鹽提舉銜加七級江蘇候補通判白菡之父視躬淳厚垂訓端嚴業可開先式穀乃宣猷之本澤堪啓後貽謀裕作牧之方茲以覃恩克襄王事贈爾爲資政大夫錫之誥命於戲克承清白之風嘉茲報政用慰顯揚之志昭乃遺謨

制曰朝廷重民社之司功推循吏臣子凜冰淵之操教本慈幃爾馮氏迺鹽提舉銜加七級江蘇候補通判白菡之母淑慎其儀柔嘉維則宣訓詞於朝夕不忘育子之勤集慶澤於